

摘藻堂四庫全書薈要

子部

欽定四庫全書薈要卷一萬七百三十九

子部

欽定授時通考卷七十六

桑政

彙考

詩經鄘風降觀于桑

注桑木名葉可飼蠶者觀之以察其土宜也

孟子五畝之宅樹之以桑

史記貨殖傳齊帶山海膏壤千里宜桑麻

又鄒魯濱洙泗頗有桑麻之業

漢書食貨志還廬樹桑

三國志諸葛亮傳成都桑八百株子孫衣食自有餘  
饒

晉書王弘傳弘為汲郡太守撫百姓如家耕桑樹藝屋  
宇阡陌莫不躬自教示

梁書沈瑀傳瑀為建德令教民一丁種十五株桑

魏書食貨志一人給田二十畝種桑五十

隋書食貨志每丁給永業二十畝為桑田其中種桑五十株

北史蘇綽傳三農之隙及陰雨之暇當教人種桑

舊唐書憲宗本紀勅天下州府民戶每田一畝種桑二樹

又武宗本紀勅勸課種桑

宋史太祖本紀禁伐桑棗

又食貨志諭民有能廣植桑棗墾開荒田者止輸舊租

又中書議勸民栽桑

又都省言淮民復業宜先勸課農桑令丞植桑三萬株至六萬株守倅部內植二十萬株以上並論賞有差

元史食貨志仁宗以苗好謙所至植桑皆有成效於是風示諸道命以為式是年十一月命各社出地共蒔桑苗以社長領之

又姜彥傳彥知濱州時課民種桑歲餘新桑徧野人名為太守桑

尚書緯桑者箕星之精木蟲食葉為文章

種類

書經厥筐屨絲

傳屨桑蠶絲中琴瑟絃

爾雅釋木桑辨

音片

有甚椀

疏說文云甚桑實也郭云辨半也舍人曰桑樹一半有甚半無甚為椀

又女桑棗桑

注今俗呼桑樹小而條長者為女桑疏女桑一名棧桑

又廩桑山桑

郭橐駝種樹書雞脚桑葉花而薄得繭薄而絲少

又白桑葉大如掌而厚得繭厚而堅絲每倍常桑葉生黃衣而敝者號曰金桑非特蠶不食而木亦將槁腐矣又先甚而後葉者葉必少

齊民要術種取黑魯甚黃魯甚不耐久諺曰魯桑百豐

絲帛言其桑好功省用多

農桑要旨平原淤壤土肥地虛荊葉魯桑種之俱可若地連山陵土脈赤硬止宜荊桑

農桑通訣桑種甚多不可徧舉世所名者荊與魯也荊桑多甚魯桑少甚葉薄而尖其邊有瓣者荊桑也凡枝幹條葉堅勁者皆荊桑類也葉圓厚而多津者魯桑也凡枝幹條葉豐腴者皆魯之類也荊之類根固而心實能久遠宜為樹魯之類根不固心不實不能久遠宜為



地桑然荆之條葉不如魯葉之茂盛當以魯葉條接之則能久遠而又盛茂也魯為地桑而有壓桑之法傳轉無窮是亦可以久遠也荆桑所飼蠶其絲堅韌中紗羅用禹貢稱厥篚檿絲注曰檿山桑也此荆之美而尤者也魯桑之類宜飼大蠶荆桑宜飼小蠶

又齊民要術載收甚之黑者剪去兩頭惟取中間一截益兩頭者其子差細種則成雞桑花桑中間一截其子堅栗則枝幹堅強而葉肥厚

農政全書韓氏直說曰地桑須於近井園內栽之有草則鋤無雨則澆比及蠶生可澆三次其葉自然早生桑種自有早生者遲生者須擇其早生為地桑則可

又鍾化民曰桑有二種一種有桑葢即以桑葢植地一二月即出一種將桑樹桑條攀至於地以泥壓於其上每一桑眼即發一枝待至二三尺長其桑有根用剪剪下移種于地上即成桑樹

又黃省曾藝桑總論曰有地桑出於南潯有條桑出於

杭之臨平其鬻之時以正月之中上旬其鬻之地以北  
新關內之江漲橋旭旦時擔而至陳於梁之左右午而

散

大者株以二  
釐其長八尺

又凡擇桑之本也皺皮者其葉必小而薄白皮而節疎  
芽大者為柿葉之桑其葉必大而厚是堅繭而多絲

又高而白者宜山岡之地或牆隅而籬畔

又短而青者宜水鄉之地

又其青桑無子而葉不甚厚者是宜初蠶

又望海之桑種之術與白桑同

又紫藤之桑其種高大

又博聞錄曰白桑少子壓枝種之若有子可便種須用  
地陰處其葉厚大得繭重實絲每倍常

### 栽植

汜勝之書種桑法五月取椹著水中即以手漬之以水  
灌洗取子陰乾治肥田十畝荒田久不耕者尤善好耕  
治之每畝以黍椹子各三升合種之黍桑當俱生鋤之

桑令稀疏調適黍熟穫之桑生正與黍高平因以利鎌  
摩地刈之曝令燥後有風調放火燒之常逆風起火桑  
至春生一畝食三箔蠶

齊民要術桑柘熟時收黑魯甚即日以水淘取子曬燥  
仍畦種治畦下水一如葵法常薅令淨明年正月移而

栽之

仲春季  
春亦得

率五尺一根

不用耕故凡栽桑不得者無  
他故正悉犁撥耳是以須稅

犁者心雖慎率多死矣且稅則長疾大都種  
甚畏遲不如壓枝之速無栽者乃種甚也

其下常劓

掘種菜豆小豆

二豆良  
美潤澤

栽後二年慎勿采沐

小采者  
長倍遲大

如臂許正月中移之

亦不須覓

率十步一樹

陰相接者則妨禾豆

行欲

小犄角不用正相當

相當者則妨犂

須取栽者正月二月中以

鈎弋壓下枝令著地條葉生高數寸仍以燥土壅之

濕土

爛則明年正月中截取而種之

住宅上及園畔固宜即定其田中種者亦如種薑法

先種一二年  
然後更移之

又凡耕桑田不用近樹

傷桑破犂所謂兩失

其犂不著處剗斷令

起砍去浮根以蠶矢糞之

去浮根不妨樓犂

又種樁而後移栽移栽而後布行

又剥桑十二月為上時正月次之二月為下大抵桑多者宜苦斫少者宜省剥

郭橐駝種樹書種桑取甚子水淘淨暴乾熟耕地畦種又撒子種桑不若壓條而分根莖

又浙間植桑斬其葉而植之謂之稼桑却以螺殼覆其頂恐梅雨侵損其皮故也二年即盛

又午日不得鋤桑園

農桑通訣齊民要術載收甚之黑者將種之時先以柴

灰淹糝次日水淘去輕浮不實者曬令水脈才乾種乃  
易生

士農必用種子宜新不宜陳

新甚種之為上隔年春種多不生蔭畦搭棚為上糝

麻次之黍苗又次之

桑芽出間令相去五七寸

營造尺寸也他做此

頻澆過

伏可長至三尺

割去

至十月內附地割了撒亂草走火

燒過

火不可大恐損根

糞草蓋至來春把耬去糞草澆每一科

自出芽三數箇留旺者一條

已成根則不須蔭可頻澆

至秋魯桑可

長五七尺荆桑可長三四尺

魯桑可移為地桑荆桑可入園養之



又地桑之功惟在治之如法不致荒燥

無樹桑之家純用地桑則人力

害省有樹桑兼地桑之家樹桑既成地桑可止而勿用加澆鋤之功使之滋長至其蠶大眠之後或樹桑不能時至則可槩取地桑使晚蠶至終者不至缺食

又布地桑法牆圍成園將園內地或牛犁或鑿剷熟方

五尺內掘一坑

每地一畝合栽二百四十科

方深各二尺坑內下熟

糞三升

生糞不中壯地少用

和土勻下水一桶調成稀泥將畦內

種成魯桑連根掘出一科自根上留身六七寸其餘截

去截斷處火熬上烙過每一坑栽一根將根坐於泥中

欲疾見功者栽二根

按至坑底提三五次

欲令根須皆順

按桑身頂與地

平擁周圍熟土令坑滿次日築實

匝坑四邊築下土至半坑根下土自實不

實則根土不相著多懸死

上半坑擁熟土輕築令平滿

附身土不宜築實實則芽

難生用虛土封堆如大鑿子樣可厚五七寸周圍自成環

池水澆於內芽出於土四五指每一根止留一二條

澆鋤

如法當年可長五尺餘

次年附根割條葉飼蠶

須用厚背鋼鍊一割要斷鈍鍊一割

不能斷則條植不齊雨浸傷根地桑不要放出身只要

條從土中長出身出土名為脚高身上所長條不旺又

多被風雨擺折割過處每一根盤周圍數芽出每一科可許留

四五條餘者間去年年附地割之根漸旺留條漸多野

魯桑根科栽之亦可

全如前法也桑三年後正長旺五年後根相交根交則不旺春時將

相交根砍斷掘去添上糞土或澆過或得雨即復長旺次後斟酌其根欲大將壓成栽子圍別園如前法栽之三年後新桑茂盛養蠶砍桑時將舊桑根上只留一條隔年自成一根分出栽為行桑如此傳轉無有盡期然魯桑斫飼蠶其絲少堅韌可斟酌栽荆桑樹於大眠後以葉間飼之

又種藝之宜惟在審其時月又合地方之宜使之不失其中春分前後十日十月內並為上時春分前後以及發生也十月號陽月又曰小春木氣生長之月故宜栽

培以養元氣此洛陽方左千里之所宜其他地方隨時  
取中可也又曰桑者易生之物除十一月不生活餘月  
皆可仍須於園內稀種棘或蔴黍為蔭每歲三月三日  
晴雨卜桑之貴賤

又養桑法牆圍成園大小隨人所欲將園內地耕耨熟  
方三尺許掘一坑

坑之方澤下糞水與栽地桑法同

將畦內種出荆桑

全條連根掘出栽培亦如前法但所築實土與地平上  
復用土封身一二尺周圍自成環池

無雨則澆

待桑身長至

一大人高割去梢子則橫條自長

任令滋長休科去新條當春不宜科科了

數年不旺十二月內或次年正月科則不防

如澆治有功至秋可長大如壯

椽十月內或次年春可移為行桑

若不如北於園內養成從小便栽為行桑

者多被風雨

野荆桑不成身者移根於園內養之亦同

孽畜損傷栽培如地桑法芽出留旺者一條長至如大人高其科養法如前

又春氣初透時將地桑邊旁一條梢頭折了三五寸屈

倒於地空處

多用栽子多屈幾條隨人所欲

地上先兜一渠可深五指

餘卧條於內用鈎橛子即釘住條短則二個長則三個

懸空不令著土其後芽條向上生如細杞齒狀橫條上

約五寸留一芽其餘剝去

可飼小蠶

至四五月內晴天已午

時間橫條兩邊取熟塘土擁橫條上成壑橫條即為卧

根至晚澆其根科

當夜卧根生鬚

至秋其芽茁為條身至十月

或次年春分前後

際卧根二頭截斷取出土隨間空處斫斷一

根

楊子樣

每一根為一栽

此法出引栽子無窮

又插條法牆圍成園掘坑如地桑法大葉魯桑條上青

眼動時科條長一尺之上截斷兩頭烙過每一坑內微

斜插三二條待芽出封堆虛土三五寸每一根科止留

一條至秋可長數尺次年割條葉飼蠶

止怕當年三伏日澆蔭不缺無

不活者畦內插亦可如當處無可采之條預於他處摘下大葉魯

桑臘月割條藏於土穴

如藏花果法接頭透風則乾了

候至桑樹條上

青眼動時開穴藏條上眼亦動截烙栽培用度如前

又園內養成荆魯桑小樹如轉盤時於臘月內可去不

便枝梢小樹近上留三五條椀口以上樹留十餘條長

一尺以上餘者皆科去至來春桑眼動時連根掘來於

漫地內潤八步一行行內相去四步一樹相對栽之

栽培

灌溉如前法桑行內種在潤八步牛耕一縱地也行內相去四步一樹破地四步已稟可成大樹相對則可以

橫耕故田不廢  
墾桑不致荒

荊棘圍護當年橫枝上所長條至臘月

科令稀勻得所至來年春便可養蠶

又科斫樹桑惟在稀科時斫

依時斫也

使其條葉豐腴而早

發不致蠶之裨也

稀則條自豐葉自肥今年科不過時則長條豐美明年之葉自然早發而

又狀潤也

又科斫之利

惟在不留中心之枝容立人於其內轉身運斧條葉偃落於外比之擔負高几遠樹



上下科有心之樹者一人可敵數人之功條不可冗冗則費芟科之功葉薄而無味是故科斫為蠶事之先務時人不知預治於農隙之時而徒費功力於蠶忙之日人則倍勞蠶復失所如得其法使樹頭易得其條條上易得其葉蠶不待食葉以時至又其葉潤厚農語云鋤頭自有三寸澤斧頭自有一倍桑秦中之法名曰剥桑臘月中悉去其冗所存之條甚疎又於所存條根之上僅留四眼餘皆去之其所留者明年則為柯其眼中所發青條可長三數尺其葉倍常光潤如沃蠶通老而手採之獨留一向外之條滋養及秋其長以至尋丈臘月復科之如前歲久則所留之科重煩復又從下斫去既周而復始洛陽河東亦同山東河朔則異於是必留萌條疑風土所宜然欲一試此剥桑之法而未果也

又斫樹法自移栽時

長五尺高七

便割去梢既不留中心其

條自向外長樹長大中心可容立一人如長成樹者當

中有身及枝者亦可斫去也科條法凡可科者有四等

一漚水條

向下垂者

一刺身條

向裏坐者

一駢指條

相併生者選去其一

一

冗脰條

雖順生却稠冗

臘月為上正月次之

臘月津液未上又農隙人家春科只

圖容易剥皮却損了津液也欲用桑皮將臘月正月科下條向陽土內培了至二月中取之自可剥

務本新書四月種甚東西掘畦熟糞和土樓平下水水

宜濕透然後布子或和黍子同種甚藉水力易為生發

又遮日色或預於畦南畦西種蒜後藉蒜蔭遮映夏日

長至二三寸旱則澆之若不雜黍種須旋搭矮棚於上以箔覆蓋晝舒夜捲處暑之後不須遮蓋至十月之後桑與黍種同時刈倒順風燒之仍摻糞土蔽灰春暖榮茂次年移栽

又一法熟地先耩黍一隴另捲草索截約一托以水浸輒麪飯湯更妙索兩頭各歇三四寸中間勻抹濕甚子十餘粒將索卧於黍隴內索兩頭以土厚壓中間摻土薄覆隔一步或兩步依上卧一索四面取齊成行久旱

宜澆十月刈燒加糞如前冬春擁雪蓋糞清明前後掃去霖雨時覷稀稠移補比之畦種旋移特省力決活早二年得力如舊有甚春種更妙後宜築圍牆固護或慮索煩碎以黍甚相和於葫蘆內點種過處用帚掃勻或慮天旱宜就黍隴內撥土平均順隴作區下水種之又又法春月先於熟地內東西成行勻稀種芥次將桑甚與蠶沙相和或炒黍穀亦可趁逐雨後於芥北單耕或點種比之搭矮棚與黍同種緣芥陰高密又透風露

雖種十餘畝亦不甚委曲費力

又夫地桑本出魯桑須以魯桑萌條如法栽培揀肥旺者約留四五條鋤治添糞條有定數葉不煩多衆葉脂膏聚於一葉其葉自大即是地桑栽地桑法秋時於熟白地內深耕一圍如壟加糞撥土為區如無牛掘區亦可春分前後取臘月所埋桑條揀有萌芽處各盤七八寸或一尺鋤區下水卧條栽之覆土約厚三四指深厚則難生以手按勻區東南西種簌五七粒五月之後

芽葉漸高旋添糞土已後條高便作地桑或揀魯桑單  
兒秋間埋頭深栽更疾得力

又桑生一二年脂脈根株亦必微嫩春分之後掘區移  
栽區北直上下栽成土壁壁底旁鍤其土下水三四升  
將桑單兒靠壁栽立根科須得勻舒以土堅覆土壁地  
區地約高三二寸大抵一切草木根科新栽之後皆惡  
搖擺故用土壁遮禦北風迎合日色也今時移栽小桑  
微帶根鬚上無寸土但經路遠風日耗竭脂脈栽後難

活縱活亦不榮旺却稱地法不宜此係拙謬今後應栽

小樹若路遠移多約十餘樹通為一束於根鬚上蘸沃

稀泥泥上摻土上以草包

或蓆蒲包

包內另用淳泥固塞仍

擘夾車箱兩頭不透風日中間順卧樹身上以蓆草覆

蓋預於栽所掘區下糞樹到之時即便下水依法栽培

秋栽法平昔栽桑多於春月全樹移栽春多大風吹擺

加之春雨艱得又天氣漸熱芽葉難禁故多不活

活亦遲得

力若是斫去原榦再長樹身桑聞鐵腥愈旺地桑是其

驗也迺南地分十月埋栽河朔地氣頗寒故宜秋栽

霜雨

內為區深一尺之上平地約留樹身一二指餘者斫去

栽罷地須堅築以土封藏比及地凍於上約量添糞春

暖之後就糞撥為土盆雨則可聚旱則可澆樹南春先

種棘比及霖雨以來芽條叢茂就作地桑或削去細條

存留旺者一二枝次年便可成樹或是就壓傍條一樹

又引十餘比之全樹栽者樹樹必活桑亦榮茂也十月

木迷宜栽埋頭桑

截去桑身  
栽如秋栽

冬月根脈下行乘春併發



一年之間長過原樹栽二年之上桑穀雨其間但有芽  
葉不旺者以硬木貼樹身去地半指一斧截斷快鋒更  
妙糝土封其樹癰樹南種黍五七粒十餘日始出芽條  
旱則頻澆立夏之後不宜此法大暑則不能一歲之中除大  
寒時分不能移栽其餘月分皆可

又壓條法寒食之後將二年之上桑全樹用兜橛壓定  
掘地成渠條上已成小枝者出露土上其餘條樹以土  
全覆樹根週圍撥作土盆旱宜頻澆如無元樹止就桑

下脚窠依上掘渠埋壓六月不宜全壓又栽條桑法秋  
暮農隙時分預掘下區藉地氣經冬藏濕又分減栽時  
併忙區方深各二尺以上熟糞一二升與土相和納於  
區內土宜北高南下以留冬春雨雪

餘區  
准此

臘月內揀肥

長魯桑條三二枝通連為一窠快斧斫下即將楂頭於  
火內微微燒過每四十五條與稈草相間作一束卧於  
向陽坑內

坑深長三四尺當預掘  
下防冬深地凍難掘

以土厚覆春分已後

取出却將原區刨開下水三四升布粟二三十粒將條

盤曲以草索繫定卧栽區內覆土約厚三四指如或出  
露條尖三二寸覆土宜厚尺餘俱當堅築仍以虛土另  
封條尖已後芽生虛土自脫先於區南種蔴地宜陰濕  
時時澆之若全卧栽者已後逐旋添土芽條長高斫去  
傍枝三年可以成樹或就作地桑栽桑梢遽埋頭栽桑  
斫下桑梢相連二三枝為一窠栽如前法或於蘿蔔內  
穿過一枝假借氣力更妙掘區堅埋依前法壟種桑條  
秋耕熟地二月再擺勻東西起畎約量遠近撥土為區

將臘月元埋桑條栽依前法或是單根肥長桑條依上栽之亦可栽種桑條者若舊桑多處可以多斫萌條若是少處又慮斫伐太過次年悞蠶故具種桑甚屢條栽條之法三者擇而行之

又假有一村兩家相合低築圍牆四面各一百步

若戶多地

寬更甚省力

一家皆築二百步牆內空地計一萬步每一步

一桑計一萬株一家計分五千株若一家孤另轉築

牆二百步內空地止二千五百步依上一步一桑法止

得二千五百株

其功之  
侔如此

不恐起爭端當於園心以籬界

斷此之獨力築牆不止桑多一倍亦通相藉力容易勻

當

農政全書四時類要曰種桑土不得厚厚即不生待高

一尺又上糞土一遍

又鍾化民曰種桑在正二月至八月亦可種根要埋直

泥要挨緊當以水糞澆灌方有生意

徐光啟曰初  
種不用糞

又黃省曾藝桑總論其種也耨地而糞之截其枝謂之

嫁留近本之枝尺餘許深埋之出土也寸焉培而高之以泄水墨其癰或覆以螺殼或塗以蠟而瀝青煎油封之是防梅雨之所浸糞其周圍使其根四達若直灌其本則聾而死未活也不可灌水灌以和水之糞二年而盛其在土也月一鋤焉或二起翻一二尺許灌以純糞遍沃於桑之地使及其根之引蔓至摘葉也三年則其發茂禁損其枝之奮者桑之下草木不留則茂蠶之時其摘也必潔淨遂剪焉必於交湊之處空其榦焉則來

年條滋而葉厚歲歲剪條則盛禁原蠶之飼飼則來年  
枝纖而葉薄桑之壅也以糞以蠶沙以稻草之灰以溝  
地之泥以肥地其初藝之壅也以水藻以棉花之子壅  
其本則煖而易發徐光啟曰以豆餅以棉餅初春而脩  
也去其枝之枯者樹之低小者啟其根而糞泥壅之不  
然則葉遲而薄

又其壓也濕土則條爛焦土則根生撒子而種不若條  
而壓其為桑之害也有桑牛尋其穴桐油抹之則死或

以蒲母草草之狀也如竹葉其桑葉之癩也以草煮汁而沃之桑之下可以藝蔬其藝桑之園不可以藝楊藝之多楊甲之蟲是食桑皮而子化其中焉徐光啟曰楊不可絕宜勤捕之

又望海之桑種之術與白桑同是皆臘月開塘而加糞即壅之以土泥或二或三六七月之間乃去其壅開塘加糞壅土宜遲紫藤之桑其種高大是不用剪其葉厚大尤早種之也宜邇於竈屋不必開塘而糞壅惟幼穉



之時待冬而糞或二或三以臘月為佳

又農桑要旨曰凡新栽桑斫科采葉須得宜初栽後成  
科時中心長條上葉勿采其餘在傍脚科止將其葉且  
勿割斫蓋令枝條煩密就為藩蔽以防牛畜啣咬掣擺  
拖挽之患後中心枝既粗即可割斫在旁科條本根既  
盛脂脈盡歸中心枝便可長成大樹堅久茂盛不生糖  
心

接博

郭橐駝種樹書穀樹上接桑其葉肥大

士農必用接換之妙

荆桑根株接魯桑條也

惟在時之和融手之

審密封繫之固擁包之厚使不疎淺而寒凝也

春分前十日為

上時前後五日為中時然取其條眼襯青為時尤妙此

不以地方遠近皆可準也然必待晴暖之日以藉其陽

和也接不密則氣液難通擁包不固厚則風寒入而害

之也果之一生者質小而味惡既一接之則質碩大而

味美桑亦如接時取遠處有者預先取下可節氣內割

是故接換之

取其條其採取培養之法全如採條桑內所說如取接

萌處過遠者可與未曾盛油新柿篋中與蒲包

穰一處裝了外密封不透雖行千里不致凍損果木宜

三年條其藏及接法亦同徐光啟曰莫如當年條為

妙三年之說不然也且接時必待月暗自下弦至上弦皆可晦尤妙自上弦至下弦皆忌望尤險

劈接

法先附地平鋸去身榦於砧盤旁向下一寸半皮肉上用快刀子尖向上左右斜批豁兩道至平面其下尖比

上闊一指中間批豁斷者剔去

其批豁了處如一鴉嘴樣渠子也兩壁有斜面

無平底其尖淺向上漸深至平面可深至半指許

接頭可長五寸其粗細如一

指許者於根頭一寸半內量留一半將其外一半左右

削兩刀子成蕎麥楞樣令尖頭口內含養溫煖嵌於砧

盤旁所批渠子內極要緊密須使老樹肌肉與接頭肌

肉相對著於一砧盤上如此接至數箇

斟酌砧盤大小

用新牛

糞和土成泥封泥其接頭周遭又用新桑皮纏繳牢固  
又用牛糞土泥封泥了所繳桑皮然後用濕土封堆接

頭上可厚五寸

大小斟酌其樹盤

周圍棘刺遮護接頭生條芽

出土長高一二尺約量留三二條用依柱如前

徐光啟曰渠子

淺深量樹大小及接頭粗細其緊要處只在皮對皮骨對骨耳更緊要處在縫對縫

又接大桑宜

劈接插接小桑宜搭接壓接附地接者封泥擁培如前

半身截成砧盤接者但其縫罅上用紙封又用破蓆片

包繫如仰盆子樣內盛潤土培養其接頭勿令透風無用

底瓦礫盆子土乾則灑水所包土上條芽長出其所包代蓆片亦可

土亦休取去至秋條長成接頭長定所包土不用也如接

頭都活則酌量橫枝鑿接者可就於橫枝上截了留一多少樹之氣力留之

尺許然尺寸不可定於接頭上眼前方半寸刀尖割斷惟取樹勢圖也

皮肉至骨款揭下帶眼皮肉一方片其眼底骨上一小

一芽生氣之根揭時用指甲尖刻口含少時取出印濕起令其小心子帶於皮肉之上

痕於橫枝上復含養之用刀尖依濕痕四圍刻斷皮肉

揭去露骨將接頭上靨皮嵌貼上

其眼向上勿令顛倒

上下兩頭

用新細薄桑皮繫了

斟酌其緊慢太緊則生氣不通太慢則不相附著俱難活也

用

牛糞和泥眼四邊泥了其所貼之靨多少可量其樹之

大小又接小芽條

可用搭接法

就畦內將已種出荆桑隔年

芽條去地二寸許向上削成馬耳狀將一般粗細魯桑

接頭亦削成馬耳狀兩馬耳相搭細桑皮繫了牛糞泥

封濕土擁培其芽條出土可留一二芽至秋長如大人

高明年可移入園中養之其法如前

全要大小一般令其縫對縫取

藏接頭側近有接頭者土中種之其高原山田土厚水深之處多掘深坑中種桑柘者隨坑深淺或一丈丈五直上出坑乃扶疎四散此樹條直異於常樹十年之後無所不任

務本新書凡桑果以接博為妙凡接枝條必擇其美

宜用

宿條向陽者庶氣壯而茂嫩條陰弱而難成

根株各從其類

然荆桑亦可接魯桑梅可接杏

桃可接李接博其法有六一曰身接二曰根接三曰皮接四

曰枝接五曰靨接六曰搭接


詳見農餘門

藝桑總論二月而接也有插接有劈接有壓接有搭接  
有換接穀而接桑也其葉肥大桑而接梨也則脆美桑  
而接楊梅也則不酸





欽定授時通考卷七十六



總校官庶吉士 臣侍 朝

校對官編修 臣閔惇大

校對官庶吉士 臣嚴 福

謄錄監生 臣仲耀松

謄錄監生 臣朱 溥

繪圖謄錄監生 臣王王海

欽定四庫全書薈要

子部

欽定授時通考卷七十八



詳校官主事臣陳本

欽定四庫全書薈要卷一萬七百四十

子部

欽定授時通考卷七十七

桑餘

柘

書經厥貢杻榦栝柏

傳榦柘也

詩經攘之剔之其廩其柘

禮記季春之月命野虞毋伐桑柘

唐書南詔傳自曲靖州至滇池人水耕食蠶以柘蠶生  
閱二旬而繭織錦縑精緻

齊民要術種柘法耕地令熟耨耩作龍柘子熟時多收  
以水淘汰令淨曝乾散訖之草生拔却勿令荒沒又柘  
樹葉食蠶可作琴瑟等絃清鳴響徹勝於凡絲遠矣


農政全書柘葉叢生幹疎而直葉豐而厚春蠶食之其  
絲以冷水繅之謂之冷水絲柘蠶先出先起而先繭柘  
葉隔年不採春生必毒蠶如不採夏月皆打落方無毒

又柘木北土處處有之其木堅勁皮紋細密上多白點  
枝多刺葉比桑小而薄色黃淡葉梢皆三叉亦堪飼蠶  
奴柘

本草綱目樹如柘而小有刺葉亦如柞葉而小可飼蠶  
蒿

詩經豳風春日遲遲采蘩祁祁  
傳蘩白蒿也所以生蠶


柘



柘

埤雅云柘宜山石柘之從石取此義寇宗奭曰柘木裏有紋亦可旋為器李時珍曰其實狀如桑子而圓粒如椒其木染黃赤色謂之柘黃





木棉

書經禹貢揚州厥篚織貝

傳織貝錦名織為貝文詩曰貝錦是也今南夷木棉之精好者亦謂之吉貝海島之夷以卉服來貢而織貝之精者則入篚焉

南史高昌國傳有草實如繭繭中絲如細纒名曰白疊子國人織以為布

又海南諸國傳林邑國出古貝樹其花如鶯毳抽其緒

紡之以作布與紵布不殊亦染成五色織為斑布

南州異物志木棉吉貝木所生熟時狀如鷲毳細過絲  
綿中有核如珠珣用之則治出其核昔用輶軸今用攪  
車尤便但紡不績任意牽引無有斷絕其為布曰斑布  
繁縟多巧者曰城次麗者曰文縐又次麗者曰烏麟  
泊宅編南海蠻人以木棉紡績為布布上出細字雜花  
卉尤工巧名曰吉貝布即古白氍布也

農桑通訣中國自桑土既蠶之後惟以繭績為務不知

木棉之為用夫木棉產自海南諸種藝制作之法駸駸  
北來江淮川蜀既獲其利至南北混一之後商販於此  
服被漸廣按裴淵廣州記云蠻夷不蠶採木棉為絮又  
諸番雜志云木棉吉貝木所生占城閩婆諸國皆有之  
今已為中國珍貨且比之蠶桑無採養之勞有必收之  
效埒之臬苧免績緝之工得禦寒之益可謂不麻而布  
不繭而絮列製造之具庶遠近滋習農務助桑麻之用  
華夏兼蠻夷之利將自此始矣

農桑輯要種木棉法擇雨和不下濕肥地於正月地氣透時深耕三遍攞蓋調熟然後作成畦畛每畦長八步潤一步內半步作畦面半步作畦背不鋤二遍用耜耨平起出覆土於畦背上堆積至穀雨前後揀好天氣日下種先一日將已成畦畛連澆三次用水淘過子粒堆於濕地上次日取出用小灰搓得伶仃看稀稠撒於澆過畦內將元起之土覆厚一指再勿澆待六七日苗出齊時旱則澆溉鋤治常要潔淨概則移栽稀則不須每

步只留兩苗稠則不結實苗長高二尺上打去衝天心  
旁條長尺半亦打去心葉葉不空開花結實直待棉欲  
落時為熟旋熟旋摘隨即攤於箔上日曝夜露待粒子  
乾取下用鐵杖長二尺麓如指兩端漸細若趕麩杖樣  
用梨木板長三尺濶五寸厚二寸做成床逐旋取棉子  
置於板上用鐵杖回旋趕出子粒即為淨棉撫纖毛絲  
或裝棉衣服特為輕煖

便民圖纂木棉穀雨前後種之立秋時隨穫隨收其花

黃如葵其根獨而直其樹不貴乎高長其枝幹貴乎繁  
衍不由宿根而出以子撒種而生所種之子初收者未  
實近霜者不生惟中間時月收者為上須經日晒燥帶  
棉收貯臨種時再晒旋碾即下其種本海南諸國所產  
後福建諸縣皆有近江東陝右亦多滋茂繁盛與本土  
無異種之則深荷其利

又秋時帶棉收貯臨種再曬旋碾即下此慮冬月碾子  
收藏風日所侵恐致油浥若受水濕仍當鬱爛故也余

聞老農云棉種必於冬月碾取謂碾必須曬秋冬生氣收斂曬曝不傷萌芽春間生意茁發不宜大曬二說皆有理今余意創一法不論冬碾春碾收藏旋買但臨種時用水浥濕過半刻淘汰之其秕者遠年者火焙者油者鬱者皆浮其堅實不損者皆沈沈者可種也

又棉子用臘雪水浸過不蛀亦能旱或云鰻魚汁浸之凡種皆然種棉須土實漫種者既覆土用木碌碾實之穴種者覆土後以足踐之



種法種棉在清明穀雨節以霜氣既止也或生地用糞耕蓋後種或花苗到鋤三遍每根苗邊用熟糞半升培植鋤非六七遍盡去草茸不可苗初頂雨葉時止刻去草顆宜密留以備損傷再鋤尚宜稍密三鋤則定苗顆宜疎不宜密大約每苗一顆相距八九寸遠斷不可兩顆連並苗之去葉心在伏中晴日三伏各一次有苗未長大者隨時去之花性忌燥燥則濕蒸而桃易脫落花忌苗並並則直起而無旁枝中下少挑種不宜晚晚則

秋寒早則桃多不成實即成時亦不甚大花軟無絨去  
心不宜於雨暗日雨暗去心則灌壟而多空榦此北方  
種花法也北方高寒尚宜若此況南方濕燥何可不以  
北法行之徐光啟曰張五典山東信陽人萬厯乙卯按  
吳行部至海上時六月初察視田間花苗多  
穉弱三五為族根以上尺許無蓓蕾恨其密曰江左賦  
繁役重全賴田收而樹藝無法歲得半入此傷農之大  
者極論其理甚詳悉  
手書此則刻而傳之

羣芳譜種棉花不可種別物恐分地力又不宜密種如  
肥田密種即青酣不實又易生蟲亢倉子曰立苗有行

故速長強弱不相害故速大正其行通其中疏為冷風  
則有收而多功又云樹肥無使扶疎樹饒不欲專生而  
獨居夫苗其弱也欲孤其長也欲相與俱其熟也欲相  
與扶扶疎且不可況逼迫耶若數寸一株長枝布葉株  
百餘子畝二三百斤豈不力省而利倍哉

又凡田來年擬種稻者可種麥擬棉者勿種諺曰歇田  
當一熟言息地力即古代田之義若人稠地狹萬不得  
已可種大麥或裸麥仍以糞壅力補之決不可種小麥

凡高仰田可棉可稻者種棉二年翻稻一年即草根潰爛土氣肥厚蟲螟不生多不得過三年過則生蟲三年而無力種稻者收棉後周田作岸積水過冬入春凍解放水候乾耕鋤如法可種棉不生蟲又花既曝乾碾去種子彈使熟細便可紡線農桑通訣所載紡車容三緯若倣其製而效之尤易為力或曰北地風高細紡不易今肅寧之布幾同松之中品聞其鄉多穿地窖深數尺作屋其上簷高地二尺許作窻以通日光人居其中就

濕地紡緝便得緊細與南土無異若陰雨蒸濕不妨移就平地而南人寓都下者多朝夕就露下紡日中陰雨亦紡則安在北地風高不便細紡也

農政全書木棉一步留兩苗三尺一株此相傳古法依此則能耐雨耐旱肥而多收圖纂作於近代云一尺一穴者太密此邇來稠種少收之弊又吳人云千稭萬稭不如密花此言最害事稀不如密者就至下瘠田言之所謂瘠田欲稠也不知田之肥瘠在糞多寡人勤惰耳

齊魯人種棉者既壅田下種率三尺留一顆苗長後籠  
乾糞視苗之瘠者輒壅之畝收二百三百斤以為常餘  
姚海墘之人種棉極勤亦二三尺一科亦畝收二三百  
斤其為畦廣大許中高旁下畦開有溝深廣各二三尺  
秋葉落積溝中爛壞冬則就溝中起生泥壅田歲種蠶  
豆至春翻掩作壅地虛行根極易又極深則能久雨能  
久旱能大風此皆稀種故能肥能肥故能收若如吾鄉  
之密種而又用齊魯之糞肥餘姚之草肥安得不青酣

不蟲蠹耶

又吉貝遇大水淹沒七日以下水退尚能發生若淹過  
八九日水退必須翻種矣遇大旱戽水潤之但戽水後  
一兩日得雨復損苗須較量陰晴方可車戽若能稀種  
行根深遠即車後得雨亦無妨也

又棉田秋耕為良獲稻後即用人耕又不宜耙細須大  
墾岸起令其凝沍來年凍釋土脈細潤正月初轉耕或  
用牛轉二月初再轉此二轉必令細清明前作畦畛土

欲畦欲濶溝欲深既作畦便於白地上鋤三四次雨  
後鋤為良則土細而草除鋤白一當鋤青二去草自其  
芽蘖也

又凡棉田於清明前先下壅或糞或灰或豆餅或生泥  
多寡量田肥瘠太肥則虛長不實實亦生蟲若依古法  
苗間三尺不妨一再倍也有種晚棉用黃花苕饒草底  
壅者田擬種棉秋則種草來年刈草壅稻留草根耕轉  
之若草不甚盛加別壅欲厚壅即並草掩覆之或種大



麥蠶豆等並掩覆之皆草壅法也草壅之收有倍他壅者惟生泥棉所最急故姚江之畦間有溝最為良法凡水土氣寒糞力峻熱生泥能解水土之寒糞力之熱使實繁而不蠹諺曰生泥好棉花甘國老但下糞須在壅泥前泥上加糞並泥無力

又凡種植以早為良吳濱海多患風潮若比常時先種十許日到八月潮信有旁根成實數顆即小收矣但早種過寒苗出多死今得一法於舊冬新春初耕後畝下

大麥種數升臨種棉轉耕並麥苗掩覆之麥根在上棉根遇之即不畏寒

又棉田溝側勿種豆畦中尺寸空餘少待即枝條森接補豆一簇並害旁苗十數赤豆害棉尤甚利其微獲者是下農夫也

又今人種麥雜棉者多苦遲亦有一法預於舊冬耕熟地穴種麥來春就麥隴中穴種棉但能穴種麥即漫種棉亦可刈麥

又苗高二尺打去衝天心者令旁生枝則子繁也旁枝  
尺半亦打去心者勿令花枝相揉傷花實也摘時視苗  
遲早早者大暑前後摘遲者立秋摘秋後勢定勿摘矣  
摘亦不復生枝

又農桑輯要言一步留兩苗又言旁枝長尺半亦打去  
心此為每科相去皆三尺古法也便民圖纂言每一尺  
作一穴此為每科相去皆一尺近法也今或相去二三  
寸一二寸乃至三五成簇是謂無法自取薄收又言苗

長二尺打去衝天心此亦古法須三伏者方盛長時令  
旁生枝也南方知去心者百有一二然非早種稀留肥  
壅亦自無由高大去心何益北土用熟糞者堆積乾糞  
晷覆踰時熟炆已過用之勢緩而力厚雖多無害南土  
用水糞豆餅草歲生泥水糞積過半年以上與熟糞同  
如用新糞畝不得過十石過則青酣一為糞性熱一為  
花科密也豆餅亦熱畝不得過十餅過則與糞多同病  
若能稀種科間一尺此二物可加一倍間二尺可加三

倍間三尺可加五倍更能於冬春下壅後耕蓋之可加至十倍既不傷苗二三年後尚有餘力草壅甚熱過於糞餅糞亦因水解餅可勻細草壅難勻當其多處峻熱傷苗故有時倍收有時耗損用此一物特宜詳慎生泥者或開挑溝底或畧取草泥罨烝去熱此種最良凡先下糞餅草歲用此覆之大能緩其勢益其力姚江法用草壅加以生泥科間二尺方之吾鄉畝收數倍蓋生泥中具有水土草歲和合醇熟其水土能制草歲之熱草

歲能調水土之寒故良農重之有國老之稱也

又按柱史所疏種棉法異南土者有三一曰稀二曰肥  
三曰早稀則耐肥而能為利余既備論之今特論所云  
早者按吾鄉北極三十度山東濟南三十六度相去六  
度寒暖懸絕柱史云其邑俱於清明前種木棉無過穀  
雨者但清明前霜信未絕苗出土經霜則萎今定於清  
明前五日為上時後五日為中時穀雨為下時斷不宜  
過穀雨蓋早種即早實早收縱經風潮之年亦有近根

之實不至全荒舊傳早種一法擬種棉地先耕種大麥  
轉耕並麥苗掩覆之耙蓋下種餘姚亦早種棉却先種  
蠶豆轉耕掩覆之二法畧同皆令地虛苗得深遠行根  
便能寒且能風雨旱且隨地翻罨草壅必勻勝刈他草  
下壅餘姚罨豆後仍上生泥泥不止去草熟亦令草少  
蟲少種疊地花者不可不知今括之以四言曰精揀核  
早下種深根短榦稀科肥壅

又棉花密種者有四害苗長不作蓓蕾花開不作子一

也開花結子雨後鬱蒸一時墮落二也行根淺近不能風與旱三也結子暗蛀四也

又種棉不熟之故有四病一牝二密三瘠四蕪杜者種不實密者苗不孤瘠者糞不多蕪者鋤不數

又種棉有漫種者易種難鋤下種宜密鋤時簡別而痛芟之令絕疎穴種者穴四五核鋤時簡別留不得過二留二者高五六寸則以塊亞其中而平分之使根幹相去面面生枝終不如孤生者良老農云一二次鋤去大



葉者此大核少棉種也三鋤後去小葉者此祇不實種也或實而油澀病種也若純用黑核等佳種精擇之自無諸弊

又鋤棉須七次以上又須夏至前多鋤為佳諺曰鋤花要趁黃梅信鋤頭落地長三寸

又鋤棉者功須極細昔有人傭力鋤者密埋錢於苗根鋤者貪覓錢深細爬梳棉則大熟

又農桑輯要作於元初當時便云木棉種陝右行之其

他州郡多以風土不宜為解獨孟祺苗好謙暢師文王  
禎之屬能排貶其說至今率土享其利始信諸君子不  
我欺也

木棉



# 木棉


中國所傳木棉亦有多種江花出楚中棉不甚重二十而得五性强緊北花出畿輔山東柔細中紡織棉稍輕二十而得四或得五浙花出餘姚中紡織棉稍重二十而得七吳下種大都類此更有數種稍異者一曰黃蒂穰蒂有黃色如粟米大棉重一曰青核核青細於他種棉重一曰黑核核亦細純黑色棉重一曰寬大衣核白而穰浮棉重此四種皆二十而得九黃蒂稍強緊餘皆柔

細中紡織堪為種又一種紫花浮細而核大棉輕二十而得四其布製衣頗樸雅市中遂染色以售不如本色者良又嘉種移植亦有漸變者如吉貝子色黑者漸白棉重者漸輕然其所由變者大半因種法不合間因天時水旱其緣地方而變者十有一二耳

又南方用糊有二法其一先將棉維作絞糊盆度過復於撥車轉輪作維次用輕車縈迴作絰吳人謂之漿紗其一先將棉維入輕車成絰次入糊盆度過竹木作架

兩端用絳急維竹帚痛刷候乾上機吳人謂之刷紗南布之佳者皆刷紗也今肅寧尚未作此亦緣風土高燥塵沙起法當如前作窖令長二三十丈廣三四丈冒以長席循檐作窻櫺開閣以避風日就中經刷或輕陰無風纖塵不起亦不妨移向平地若如此紡織其成布當盛吳下農桑通訣所載攪車用兩人今止用一人紡車容三維今吳下猶用之間有容四維者江西樂安至容五維往見樂安人轉索其器未得更不知五維向一手間何處安置也

# 木棉攪車




# 攪車圖說

攪車用四木作框上立二小柱高約尺五上以方木管之立柱各通一軸軸端俱用掉拐軸末柱竅不透二人掉軸一人喂上棉英二軸相軋則子落於內棉出於外此用碾軸工利數倍



彈棉




彈棉圖說

彈弓以竹為之長可四尺許上一截頗長而彎下一截  
稍短而勁控以繩絃用彈棉英如彈毡毛法務使結者  
開實者虛假其功用非弓不可

農政全書今以木為弓蠟絲為絃


木棉紡車



紡車圖說

紡車之制比麻苧紡車頗小夫輪動弦轉苧維隨之紡人左手握其棉筒不過二三續於苧維牽引漸長右手均撚俱成緊縷就繞維上欲作線織置車在左再將兩維棉絲合紡可為棉線

擦條




# 擦條圖說

擦條淮民用蜀黍梢莖取其長而滑今他處多用無節竹條代之其法先將棉毳條於几上以此筵捲而扞之遂成棉筒隨手抽筵每筒牽紡易為勻細皆捲筵之效也

木棉經牀

欽定四庫全書  
卷七十七




經牀圖說

經牀其制如所坐交椅但下控一軋四股軋軸之末置  
一棹枝上椅豎列八維下引棉絲轉動棹枝分絡軋上  
絲維既成次第脫卸比之撥車日得八倍始出閩建今  
欲傳之他方同趨省便



木棉線架



線架圖說

線架以木為之下作方座長濶尺餘卧列四維座上鑿  
置獨柱高可二尺餘柱上橫木長可二尺用竹篾均列  
四彎內引下座四維紡於車上即成棉線舊法先將此  
維絡於篋上然後紡合今得此制甚為速妙

木棉撥車



撥車圖說

撥車其制頗肖麻苧幡車但以竹為之方圓不等特更  
輕便按舊說先將紡訖棉絨於稀糊盆內度過稍乾然  
後將棉絨頭縷撥於車上遂成棉絨



斑枝花附

羅浮山記木棉正月開花大如芙蓉花落結子

祝穆方輿志平緬出娑羅樹大者高三五丈結子有棉  
紋綿織為白氍毹名兜羅綿

張勃吳錄交趾安定縣有木棉樹高丈實如酒杯口有  
棉如蠶之綿也又可作布名曰白縹一名毛布

又交州永昌木棉樹高過屋有十餘年不換者實大如  
酒杯中有綿如絮色正白破一實得數斤可為縕絮及

毛布

太平廣記黎州通望縣銷樟院池南有大婆羅樹三四  
人連手合抱方匝先花後葉花藥有棉謂之婆羅棉

番禺雜編木棉先花後葉紫赤色大如枕二三月間花  
既謝藥為棉有殼盛之可績為衣裳

楊用修丹鉛總錄南中木棉樹大如抱花紅似山茶而  
藥黃花片極厚非江南所藝者張勅吳錄云交趾安定  
縣有木棉樹實如酒杯口有棉可作布按此即今之斑

枝花雲南阿迷州有之嶺南尤多汪廣洋有斑枝花曲

木棉辨附

閩部疏昔聞長老言廣人種棉花高六七尺有四五年  
不易者余初未之信過泉州至同安龍溪間扶搖道旁  
狀若榛荆迫而視之即棉花也時方清秋老幹已著黃  
花矣然不可呼為木棉木棉花者高樹丹花若茶吐實  
蓬蓬吳中所謂攀枝花也楊用修具載丹鉛以為異曰  
雲南阿迷州有之聞閩廣尤多不知惠安志已載此樹



名為攀枝花楊乃曰斑枝花與吳中攀枝花蓋三名一物也

梧得雜佩吾松以棉布衣被天下而棉花之來莫詳其始相傳為種出西番元時始入中國按通鑑梁武帝送木棉皐帳史炤釋文云木棉江南多有之以春二三月下種既生須一月三薈至秋生黃花結實及熟時其皮四裂其中綻出如綿土人以鐵鋌碾去其核取如綿者以竹為小弓長尺四五寸牽弦以彈令其勻細卷為筒

就車紡之自然抽緒如縲絲狀織以為布按史炤所言  
即今之棉花無疑矣但今制彈綿之弓以木為之長六  
尺餘則與古稍異耳謂起自元時非也第史炤以此解  
木棉亦未為當木棉出交廣其樹盈抱其實如酒杯其  
口有棉可作布見張勃吳錄即今之斑枝花楊用修辨  
之詳矣

又木棉一名瓊枝其高數丈樹類梧桐葉類桃而稍大  
花色深紅類山茶春夏花開滿樹望之爛然如綴錦花

謝結子大如酒杯絮吐於口茸茸如細毳舊云海南蠻人織為布名曰吉貝今第以充裋褐取其軟而溫未有治以為布者潯梧間亦多有之但土人未嘗採取隨風飄墜而已

本草綱目木棉一名古貝

似木者名古貝或作吉貝乃古字之訛

一名古

終

似草者名古終

梵書謂之睽婆又曰迦羅婆劫

又木棉有草木二種交廣木棉樹大如抱其枝似桐葉大如胡桃葉入秋開花紅似山茶而藥黃花片極厚為

房其繁短側相比結實大如拳實中白棉棉中有子今人謂之斑枝花訛為攀枝花南史所謂林邑國出古貝花中如鶯毳吳錄所謂永昌木棉樹高過屋皆指似木之木棉也江南淮北所種木棉四月下種莖弱如蔓高者四五尺葉有三尖如楓葉入秋開花黃色如葵花而小亦有紅紫者結實大如桃中有白棉棉中有子如梧子大亦有紫棉者八月採謂之棉花南史所謂高昌國有草實如繭中絲為細纊名曰白疊南越志所謂桂州

出古終藤結實如鶯毳皆指似草之木棉也此種出南  
番宋末始入江南今徧及江北與中州矣不蠶而綿不  
麻而布利被天下其益大哉

農政全書吉貝之名獨昉於南史相傳至今不知其義  
意是海外方言也小說家所謂木棉其所為布曰絨曰  
文絳曰烏驕曰斑布曰白氈白縹曰屈眊者皆此故是  
草本而吳錄稱木棉者南中地煖一種後開花結實以  
數歲計頗似木芙蓉不若中土之歲一下種也故曰十

餘年不換明非木本矣吉貝之稱木即禹貢之言卉取別於蠶綿耳攀枝花中作裯褥雖柔滑而不韌絕不能牽引豈堪作布或謂木棉是此謂可為布而其法不傳非也吳錄所言木棉亦即是吉貝或疑其云樹高丈當是攀枝不知攀枝高十數丈南方吉貝數年不凋其高丈許亦不足怪蓋南史所謂林邑吉貝吳錄所謂木棉皆指草本之木棉可為布意即娑羅木然與斑枝花絕不類又中土所織棉布及西洋布精粗不等絕無光澤

而余見曹溪釋惠能所傳衣曰屈眴布即白縵布云是  
西域木棉心所織者其色澤如蠶絲豈即娑羅籠段耶  
抑西土吉貝尚有他種耶又嘗疑洋布之細非比中吉  
貝可作及見榜葛刺吉貝其核絕細綿亦絕軟與中國  
大不類乃知向來所傳亦非其佳者

欽定授時通考卷七十七

欽定四庫全書薈要卷一萬七百四十一

子部

欽定授時通考卷七十八

桑餘

麻

書經禹貢青州岱畎絲枲

傳枲麻也

又豫州厥貢漆枲絺紵

周禮典枲掌布總縷紵之麻草之物以待時頒功而授



齋

疏王昭禹曰麻未緝者為枲典枲所掌其物非一獨以枲名官蓋麻為女功之正也

又夏官職方氏河南曰豫州其利林漆絲枲

疏王昭禹曰禹貢豫州厥貢漆枲絺紵則林漆絲枲固豫之所產也

又考工記治絲麻以成之謂之婦功

詩經王風邱中有麻

傳麻穀名子可食皮可績為布者

又齊風藝麻如之何衡從其畝

箋樹麻者必先耕治其田然後樹之

又陳風東門之池可以漚麻

傳漚柔也箋於池中柔麻使可緝績作衣服也

又東門之池可以漚紵

傳紵麻屬

又不績其麻

箋績麻者婦人之事也

又豳風八月載績

傳載績絲事畢而麻事起矣

禮記禮運治其麻絲以為布帛

集說漚染之類也

爾雅黼泉實

註苴麻麻之有蘊者苧麻是也陶宏景曰苧麻今績苧麻是也

又枲麻

註枲即大麻也可為布

又苧麻母

註苧麻也可為布喪服所用俗謂之黃麻

呂氏春秋得時之麻必芒以長疎節而色揚小本而莖  
堅厚

管子五沃之土樹之五麻若高若下不擇疇所  
說文苧麻草也可績為繩

齊民要術凡種大麻用白麻子

白麻子為雄麻顏色雖白齒破枯焦不膏潤者

秕子也亦不中種市糴者口含少時顏色如舊者佳變黑者衰

麻欲得良田不用故墟

故墟亦良有穀葉天折之患不任作布

地薄者糞之

糞宜熟無熟糞者用小豆底亦得

耕

不厭熟

縱橫七遍以上則麻無葉

田欲歲易

拋子種則節高

良田一畝用子

三升薄田二升

穉則細而不長稀則粗而成惡

夏至前十日為上時至

日為中時至後十日為下時

麥黃種麻麻黃種麥亦良候也

澤多者先

漬麻子令芽生

取雨水浸之生芽疾用井水則生遲浸法著水中如炊兩石米頃出著席上布

令厚三四寸數攪之令均得地氣一宿則芽出水若滂沛十日亦不生

待地白背耬耩漫

擲子空曳勞

截雨脚即種者地濕麻生瘦待白背者麻生肥

澤少者暫浸即出

不得待芽生稊頭中下之

不勞曳撻

麻生數日常驅雀

葉青即止

布葉而鋤勃如灰便刈

刈拔各隨鄉俗

束欲小

小束也

縛欲薄

為其

易乾一宿輒翻之

得霜露則皮壞

穫欲淨

有葉者易爛

漚欲清水生熟

合宜

濁水則黑水少則脆生則難剥太爛則不任

又汜勝之書曰種枲太早則剛堅厚皮多節晚則不堅

寧失於早不失於晚穫麻之法穗勃勃如灰拔之

又凡種麻地須耕五六遍倍蓋之以夏至前十日下子

亦鋤兩遍仍須用心細意抽拔凡細弱不堪留者即去却但依此法除蟲災外小旱亦不至全損

又種苧麻法止取實者種斑黑麻子

斑黑者  
饒實

耕須再遍

一畝用子二升種法與大麻同三月種者為上時四月

為中時五月初為下時大率二尺留一科

穉則  
不成

鋤常令

淨

荒則  
少實

既放勃拔去雄

若未放勃去雄  
者則不予實

又種麻預調和田二月下旬三月上旬傍雨種之麻生

布葉鋤之率九尺一樹樹高一尺以蠶矢糞之樹三升

無死蟲矢以溷中熟糞糞之樹一升天旱以流水澆之無  
流水用井水須少曝以殺其寒氣雨澤適時勿澆澆不  
欲數霜下實成速斫之其樹大者以鋸鋸之

農桑輯要種苧麻法三四月種子者初用沙薄地為上  
兩和地為次園圃內種之如無園瀕河近井處亦得斲  
土一兩遍然後作畦濶半步長四步再斲一遍用脚浮  
躡或杓背浮按稍實再耙平隔宿用水飲畦明旦細齒  
耙浮耬起土再耙平隨用潤土半升麻子一合和勻一



合子可撒六七畦撒畢不用覆土覆土則不出用極細  
梢杖三四根撥刺令平可畦搭棚二三尺高加細箔遮  
蓋五六月炎熱時箔上加苫重蓋不則曬死未生芽或  
苗初出不可澆水用炊簾細灑水於棚上常令其下濕  
潤每夜及天陰去箔以受露氣苗出有草即拔苗高三  
指不須用棚如地稍乾用水輕澆約長三寸擇稍壯地  
別作畦移栽隔宿先將有苗地澆過明日亦將空畦澆  
過帶土搬出移栽相離四寸頻鋤三五日一澆二十日

後十日半月一澆至十月後用牛驢馬生糞蓋厚一尺  
農政全書苧初種用子種後宿根自生數年後根多糾  
結即須分栽今安慶建寧諸處亦多掘根分栽無種子  
者亦如壓條栽桑趣易速效然無根處遠致為難即宜  
用種子之法凡苗長數寸即用糞和半水澆之割後旋  
澆澆必以夜或陰天在日下澆有繡癥最忌豬糞又曰  
苧月月可栽但須地濕

又十耕蘿蔔九耕麻地宜肥熟須冬月開墾凍過則土

酥來春鋤成竹壠正月半前後種其子取斑黑者為上  
撒後以灰蓋之密則細疎則粗布葉後以水糞澆灌不  
可立行壠上恐踏實不長七月間收子麻布包之懸掛  
則易出

又榮麻與黃麻同時熟刈作小束池內漚之爛去青皮  
取其麻片潔白如雪耐水爛可織為毯被及作汲綆牛  
索或作牛衣雨衣草覆等具農家歲歲不可無者

又種榮麻法地宜肥濕早者四月種遲者六月亦可繁

密處芟去則長

又蘇恭曰檉麻宜九十月採陰乾為佳

羣芳譜移栽芋麻法芋已盛時宜於周圍掘取新科如法移栽則本科長茂新栽又多或如代園種竹法於四五年後將根科最盛者開一畦移栽一畦截根分栽或壓條滋生此畦既盛又掘彼畦如此更代繁植無窮預選秋耕熟肥地更用細糞糞過來春移栽地氣動為上時萌芽為中時苗長為下時周圍離一尺五寸作區移

栽擁土畢以水淹之若夏秋須趁雨後地濕連土於近地栽亦可

又移時用刀將根截斷約長三四指作區相去一尺五寸每區臥栽三二根擁土畢方澆水三五日復澆苗高勤鋤旱則澆之若地遠者須根帶原土蒲包封裹外仍用席掩合勿透風日雖移栽數百里外亦活初年長約一尺便割一鐮二年方可再割麻即堪績用每年十月將割過根植用牛馬糞蓋厚二月初耙去糞令苗出三

年根科稠密不移不旺即再依前法分栽

士農必用刈苧麻法每歲可割三鐮割時須根旁小芽  
高五六分大麻即可割大麻既割其小芽榮長即二次  
麻也若小芽過高大麻不割芽既不旺又損大麻約五  
月初割一鐮六月半或七月初割二鐮八月半或九月  
初割三鐮諺曰頭苧見秧二苧見糠三苧見霜惟二鐮  
長疾麻亦最好割後即以細糞壅之旋用水澆澆忌在  
日下

又剝苧麻法刈倒時隨用竹刀或鐵刀從梢分開剝下皮即以刀刮白瓢其浮上皺皮自脫得其裏如筋者煮之若於冬月剝麻用溫水潤濕易為分劈首苧粗勁堪為粗布二苧稍柔細惟三苧甚佳堪為細布

又漚苧麻法縛作小束搭房上夜露晝曬五七日自然潔白若值陰雨屋底風道處搭晾經雨即黑一云績既成纏作纓子於水盆內浸一宿紡車紡訖用桑柴灰淋水浸一宿撈出每纈五兩用淨水一盞細石灰拌勻停

一宿至來日擇去石灰却用黍稷灰淋水煮過自然白  
軟曬乾再用清水煮一度別用水擺淨曬乾逗成纏鋪  
經織造與常法同一云紡成纈用乾石灰拌和夏三冬  
五春秋酌中抖去別用石灰煮熟待冷於清水中濯淨  
然後用蘆簾平鋪水面攤纈於上半浸半曬遇夜收起  
漚乾次日如前候纈極白方可織布此池漚之法 又  
曰漚麻者但如法漚訖方績作纈經緯成布非先績後  
漚也亦有用本色績纈者夜露晝曬數日便績成纈待



成布後方練白若如治葛者刈後即蒸熟剥之不復練  
矣用此作布更柔而且韌

又收苧麻種法收苧作種須頭苧者佳九月霜降後收  
子曬乾以濕沙土拌勻盛筐內用草蓋覆若凍損則不  
生二苧三苧子皆不成不堪作種種時以水試之取沈  
者用

又農桑通訣揀一色白苧麻水潤分成縷麤細任意旋  
緝旋搓本俗於腿上搓作纒逗成鋪不必車紡亦勿熟

漚只經生纁論帖穿芋如常法以發生稀糊調細豆麩  
刷過更用油水刷之於天氣濕潤時不透風處或地窖  
子中灑地令潤經織為佳若風日高燥則纁縷乾脆難  
織每織必先以油水潤芋及潤纁經織成生布於好灰  
水中浸蘸曬乾再蘸再曬如此二日不得揉搓再蘸濕  
了於乾灰內周徧滲浥兩時久納於熟灰水內浸濕於  
甑中蒸之文武火養二三日頻頻翻覷要識灰性及火  
候緊慢次用淨水澣濯天晴再三帶水搭曬如前不計

次數惟以潔白為度灰須上等白者落梨桑柴豆秸等灰入少許炭灰妙鐵勒布法將揀下雜色苧麻水潤分縷隨緝隨搓經織皆如前法水煮過便是先將生苧麻折作二尺五寸長不斷曬乾蒸過帶濕剥下去麤皮如常法水潤緝搓如前麻鐵黎布法將雜色老大麻帶濕曲折作二尺五寸長曬乾收之欲用時旋於木甌中蒸過趁濕剥下曬乾以木楔子兩箇夾麻順歷數次至麻性頗軟堪緝為度水潤緝績紡作纊生織成布水

煮便是 又此布妙處惟在不搓揉了麻之骨力好灰  
水蘸曬布子潔白而已雖曰蘸曬頗煩而省纏縈熟纒  
等工亦多比之南布或有價高數倍者真良法也

麻




# 麻

麻績麻也有二種一種紫麻一種白苧出荆揚閩蜀江浙今中州亦有之皮可績布苗高七八尺葉如楮葉而無义面或青或紫背白有短毛花青如白楊而長夏秋間著細穗一朵數千穗白色子熟茶褐色根黃白而輕虛一科數十莖宿根在土中到春自生不須栽種荆揚間每歲三刈每畝得麻三十斤少亦不下二十斤每斤三百文過常麻數倍又有一種山苧頗相似

刀刈

池漚



# 刈刀圖說

刈刀穫麻刀也或作兩刃但用鎌柄旋插其刃俯身控刈取其平穩便易北方種麻頗多或至連頃另有刀工各具其器割刈根莖剷削梢葉甚有速效南東惟用拔取頗費工力故錄此篇首

## 漚池圖說

漚浸漬也池猶泓也凡藝麻之鄉如無水處則當掘地成池或甃以磚石蓄水於內用作漚所大凡北方治麻




刈倒即束之卧置池内水要寒煖得宜麻亦生熟有節  
須人體測得法則麻皮潔白柔韌可績細布南方但連  
根拔麻過用則旋浸旋剥其麻片黃皮麤厚不任細績  
雖南北習尚不同然北方隨刈即漚於池可為上法




# 小紡車



紡



車



# 小紡車圖說

此車之制凡麻苧之鄉在在有之

## 大紡車圖說

其制長餘二丈濶約五尺先造地柅木框四角六柱各  
高五尺中穿橫枕上架枋木其枋木兩頭山口卧受捲  
纜長軋鐵軸次於前地柅上立長木座座上列白以承  
軋底鐵筭

夫櫓用木車成筭子長一尺二寸圓  
一尺二寸計三十二枚內受績纏

軋上俱

用杖頭鐵環以拘軋軸又於額枋前排置小鐵叉分勒

績條轉上長軋仍就左右別架車輪兩座通絡皮弦下  
經列轆上撈轉軋旋鼓或人或畜轉動左邊大輪弦隨  
輪轉衆機皆動使績條成緊纏於軋上晝夜紡績百斤






蟠車



蟠車圖說

蟠車纏纜具也又謂之撥車南人謂撥柎又云車柎

布機



# 布機圖說

布機釋名曰布列諸縷淮南子曰伯餘之初作布也

伯餘

黃帝臣也

綖麻索縷手經指挂後世為之機杼幅疋廣長疎

密之制存焉農家春秋績織最為要具

紅車



# 經車圖說

經車續麻臬經緊具也造作箕虞高二尺上穿橫軸長可二尺餘貫以輶轂左手引麻牽輶既轉右手續接麻皮成緊縱纏上輶經縷既盈乃脫輶付之繩車或作別用



葛

書經禹貢揚州島夷卉服

傳卉葛越之屬

詩經周南葛之覃兮施于中谷維葉萋萋

傳覃延也葛所以為絺綌女功之繁縟者施移也中  
谷谷中也萋萋茂盛貌

又維葉莫莫是刈是穫為絺為綌

傳莫莫成就之貌穫煮之也精曰絺粗曰綌



又邶風旄丘之葛兮何誕之節兮

箋土氣緩則葛生濶節呂祖謙曰葛初生其節感而密既長其節濶而疎

又邶風蒙彼絢絺

傳絢絺絺之感感者當暑之服也或曰蒙謂加絺綌於褻衣之上所謂表而出之也

又王風綿綿葛藟在河之漘

傳綿綿長不絕之貌水涯曰漘

周禮地官掌葛掌以時徵絺綌之材于山農凡葛征徵草貢之材于澤農

註草貢出澤潁紵之屬可緝績者疏所以徵絺綌於山農者以其葛出於山也

農政全書葛一名黃斤一名鹿藿

鹿食九草此其一種故名

一名雞

齊處處有之江浙尤多有野生有家種春生苗引藤蔓一二丈紫色取治可作絺綌其根外紫內白大如臂長者七八尺葉有三尖如楓葉而長面青背淡七月著花

紅紫色累累成穗曬乾可爇食其莢如小黃豆宜七八月採之

羣芳譜採葛夏月葛成嫩而短者留之一丈上下者連根取謂之頭葛如太長看近根有白點者不堪用無白點者可截七八尺謂之二葛

又練葛採後即挽成網繫火煮爛熟指甲剝看麻白不粘青即剝下長流水邊捶洗淨風乾露一二宿尤白安陰處忌日色紡之以織



葛



葛

花同小豆花乾為末酒服飲酒不醉金瘡出血按葉敷之燒蔓研水服治卒然喉痺

又洗葛衣清水揉梅葉洗經夏不脆或用梅葉搗碎泡湯入磁盆內洗之忌用木器則黑

芭蕉




芭蕉

南方草木狀牛乳蕉其根解散如絲以灰練之可紡績  
為絺綌謂之蕉葛

異物志水蕉白花不結實人取其莖以灰練之可紡績  
女工以為絺綌即今交趾葛也



桐



桐

廣志驃國有白桐木其葉有白毳取其毳淹漬緝織以  
為布


華陽國志益州有梧桐木其華采如絲人績以為布名  
白華布

欽定四庫全書

欽定四庫全書  
卷七十八



欽定授時通考卷七十八



總校官庶吉士臣侍朝

校對官庶吉士臣嚴福

校對官檢討臣王坦修

謄錄監生臣朱溥

謄錄監生臣張承恩

繪圖監生臣董椿

繪圖監生臣寶光國

財團  
佛陀教育基金會  
釋淨空  
敬贈

